




REPUBLIKA E KOSOVËS / REPUBLIKA KOSOVA / REPUBLIC OF KOSOVO

Dep.	DPKI	Nr. Prot.
Dep.		Bri. Prot.
Dep.		Prot No.
Nr. Jfaq.	03	Data
Broj stranica		Datum
Nr. pages		Date

PUNË SHTETËRE



Republika e Kosovës
Republika Kosova-Republic of Kosovo

AGJENCIA KUNDËR KORRUPSIONIT
AGENCIJA PROTIV KORRUPCIJE
ANTI - CORRUPTION AGENCY

Në mbështetje të nenit 5 paragrafi 1, nën-paragrafi 1.5, nenit 11 paragrafi 1, nën-paragrafi 1.1, nenit 18 paragrafi 10 dhe 11 të Ligjit nr. 03/L-159 për Agjencinë kundër Korrupsionit, si dhe nenit 7 paragrafi 4 të Rregullores nr. 01/2018, për Ndryshimin dhe Plotësimin e Rregullores Nr. 01/2014 dhe Rregullores Nr. 01/2017 të Punës së Agjencisë kundër Korrupsionit, Drejtori i Agjencisë kundër Korrupsionit, me datë 13.01.2022, nxjerrë këtë:

V E N D I M

- I. Mbylllet rasti Nr. AKK-DPKI-06-2088/21, për zyrtarin z. Genc Rama, anëtar i Bordit të Përkohshëm të NPQ "Posta e Kosovës" Sh.A., për shkak se nuk ka prova të mjaftueshme që e argumentojnë dyshimin e arsyeshëm për ekzistimin e konfliktit të interesit.
- II. Rasti mund të rihapet në çdo kohë, nëse paraqiten rrethana të reja.

A r s y e t i m

- I. Rasti i hapur nën dyshimin për konflikt interesës në ushtrimin e funksionit publik për zyrtarin z. Genc Rama, është trajtuar sipas procedurës së paraparë me Ligjin nr. 06/L-011, për Parandalimin e Konfliktit të Interesit në Ushtrimin e Funksionit Publik (në vijim: Ligi për Parandalimin e Konfliktit të Interesit).

Ky rast ka filluar të trajtohet pas informatës së pranuar nga jashtë, me parashtresën se: '*a mund të konsiderohet konflikt interesë, mbajtja e pozitës së drejtorit të përkohshëm në postë nga z. Rama meqë punon në një institucion tjeter postar privat siç është Deutsche Post-DHL*', përkatësisht '*anëtar i Bordit të përkohshëm të Ndërmarrjes "Posta e Kosovës", Genc Rama, është punëtor [pozitë udhëheqëse] edhe në Deutsche Post-DHL, një institucion privat postar nga Gjermania*'.

Fillimisht, Agjencia kundër Korrupsionit, konform dispozitave të Ligjit për Parandalimin e Konfliktit të Interesit, me shkresën zyrtare AKK-DPKI-06-2088/21, e ka njoftuar zyrtarin z. Genc Rama lidhur me fillimin e procedurës për shqyrtimin e gjendjes së mundshme të konfliktit të interesit. Pas kësaj, zyrtari përgjegjës i Agjencisë kundër Korrupsionit është kontaktuar përmes telefonit nga z. Rama, pasi që i njëjti jeton dhe punon jashtë vendit, me ç'rast ai është njoftuar me pretendimet e palës denoncuese dhe me faktet që posedon Agjencia kundër Korrupsionit.



Me qëllim të sqarimit të këtij rasti, Agjencia kundër Korrupsionit ka kërkuar informacion dhe dokumentacion relevant nga z. Rama, konkretisht kontratën e punës si *Vice President stationarer Vertrieb & Digital Sales-RFGJ*, akt emërimin si Drejtor (anëtar) i Bordit të Përkokshëm të NPQ-Posta e Kosovës Sh.A., informacionin e përbledhur brenda një deklarate me shkrim nga biseda e realizuar telefonike, lidhjet e tij eventuale me tregun në Kosovë përmes *Deutsche Post*, veçanërisht DHL-in në Kosovë. Më pas, Agjencia kundër Korrupsionit ka pranuar nga z. Genc Rama përgjigjen lidhur me informatat e këruara (shkresa zyrtare: DPKI-06-01/2379-1/21).

Në bazë të informacionit dhe dokumentacionit në dispozicion si dhe komunikimit me palën (shkresa zyrtare: DPKI-06-01/2379-1/21), Agjencia kundër Korrupsionit ka konstatuar gjendjen faktike si në vijim:

z. Genc Rama është punonjës i ndërmarrjes publike gjermane "Deutsche Post AG", me seli ne Bon RF Gjermanisë, që prej qershorit 2015. Prej muajit maj 2021 e mban pozitën e zv. Presidentit. (*Përbajtja e plotë e kontratës së punës me Deutsche Post AG e z. Rama është objekt i konfidencialitetit, kur është fjalë për tu zbardhur tek një palë jashtë RF Gjermanisë - deklaratë e vet z. Rama*).

Emërimi si drejtor në Bordin e Përkokshëm të Drejtoreve të NPQ "Posta e Kosovës" është bërë në mbledhjen e 12-të të Qeverisë së Kosovës, me vendimin nr. 10/12, datë: 21.05.2021.

z. Genc Rama ka deklaruar se, '*mbështetja e përkohshme (Postës së Kosovës v.j.), i jetet për një çështje të veçantë që prek kompanitë postare ndërkombëtare. Ai thekson gjithashtu se ka hequr dorë nga të gjitha shpenzimet e tij deri më tanë*'.

Në deklaratën me shkrim theksohet gjithashtu se, *DHL Express është shërbim që ofrohet gjithandej botës nga DHL - një brend që është në pronësi të DPAG. Prezenca e DHL Express në Kosovë është në formë të një zyre-frashize që lidhet me prezencën e DHL Express në Shkup, RMV. I njëjti deklaron se, as në cilësi e kapacitet privat, as në kuadër të detyrave të punës në DPAG nuk ka asnjë lloj aksioni, bashkëpunimi, interes, përkatesisht detyrë, përgjegjësi, as në prezencën e DHL Express në Shkup, RMV e as në shoqërinë (kompaninë) kosovare që këtë shërbim e ofron në Kosovë, në kuadër të franchizës nga Shkupi*'.

Agjencia kundër Korrupsionit, konform kompetencave dhe mandatit të saj ligjor, duke analizuar të gjithë informacionin dhe dokumentacionin në dispozicion si dhe duke konsultuar edhe legjislacionin tjetër relevant në fuqi, mbështetur edhe në deklaratat me shkrim, konstaton se zyrtari z. Genc Rama në asnjë cilësi apo kapacitet, në kuadër të detyrave të punës në DPAG, nuk ka asnjë lloj aksioni, bashkëpunimi, interes, detyrë apo përgjegjësi, as me DHL Express prezent në Shkup - RMV, e as në shoqërinë tregtare që këtë shërbim e ofron në Kosovë, në kuadër të franchizës nga Shkupi.

Prandaj, Agjencia kundër Korrupsionit vlerëson se kjo situatë nuk bie ndesh me dispozitat e Ligjit për Parandalimin e Konfliktit të Interesit, përkatesisht nuk ka prova të mjaftueshme që e argumentojnë dyshimin e arsyeshëm për ekzistimin e konfliktit të interesit.

Megjithatë, pala duhet pasur parasysh se gjatë ushtrimit të funksionit publik, në rast se paraqitet ndonjë situatë e mundshme e konfliktit ‘rast për rast’ të interesit, është obliguar ta deklaroj dhe të tërhiqet nga vendimmarrja në rastin e caktuar, sikurse parashihet me dispozitat e nenit 17 të Ligji për Parandalimin e Konfliktit të Interesit, si në vijim:

1. Çdo zyrtar gjatë ushtrimit të funksionit të tij publik, në bazë të njohurive të tij dhe në mirëbesim, detyrohet që të bëjë vetëdeklarimin paraprak, rast për rast, të ekzistencës së interesit të tij privat ose të personave të afërm me të lidhur me vendimmarrjen në një çështje të caktuar, që mund të bëhet shkak për lindjen e një konflikti të interesit dhe të tërhiqet nga kjo vendimmarrje.
2. Deklarimi rast për rast i interesave private bëhet çdo herë nga zyrtari, kur kjo kërkohet nga udhëheqësi ose nga institucioni udhëheqës apo mbikëqyrës. Deklarimi, si rregull, duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi duhet të kërkohet të bëhet sa më shpejt që të jetë e mundur por jo më vonë se tridhjetë (30) ditë nga data e kërkesës ose e konstatimit të konfliktit të interesit.
3. Vetëdeklarimi ose deklarimi me kërkesë si rregull bëhet me shkrim, kur zyrtari përfshihet në një vendimmarrje për ndonjë çështje të caktuar.[...]

Nga sa u tha më lartë, u vendos si në pikën I të dispozitivit të këtij vendimi.

II. Në mbështetje të nenit 18 paragrafi 11, të Ligjit nr. 03/L-159 për Agjencinë kundër Korrupsionit, Agjencia mund të rihapë rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPKI-së
- Z./zpj. (zyrtari përgjegjës)

Yll Buleshkaj
Drejtor i Agjencisë kundër Korrupsionit